

# OMLADINSKA PRUGA



BROJ 70

KONSTITUISANA SKUPŠTINA TREĆE SMJENE

## U susret novim pobjedama

Samoupravljačka aktivnost u svim brigadama treće smjene krunisana usvajanjem najznačajnijih dokumenata Akcije i donošenje odluka čija realizacija vodi mlade graditelje u nove podvige

ZEPČE, 11. JUNA — Sedmodnevna intenzivna samoupravljačka aktivnost u sva četiri naselja ORB duž trase drugog kolosijeka od Doboja do Zenice krunisana je danas u Zepču, gdje je održana prva sjednica Skupštine treće smjene. Skupštinu sačinjavaju delegati iz svih naselja omladinskih radnih brigada.

Delegati su na početku današnje sjednice usvojili Statut Omladinske radne akcije »Samac—Sarajevo 78« i pravila organizovanja ove velike manifestacije. O ovim dokumentima vođene su rasprave u svim brigadama treće smjene. Valja napomenuti da se Statut i pravila mijenjaju relativno često. Ove promjene rezultat su težnji da sadržaj najvažnijih normativnih akata Akcije bude u cjelini usklađen sa samoupravnim promjenama u društvu.

Brigadiri učesnici SORA »Samac—Sarajevo 78« su u prethodnim raspravama utvrdili programe

Brigadir, gdje se god nalazio — na trasi, u naselju, u gradu uvijek mora voditi računa o ličnoj i kolektivnoj sigurnosti. Na trasi se, recimo, radi neposredno pored pruge kojom se odvija veoma živ saobraćaj uz stalno prisutan napon od oko 25 hiljada volti.

Bez obzira na sve opasnosti koje su prisutne na izgradnji drugog kolosijeka legendarne pruge za dva i po mjeseca koliko akcija traje nije zabilježen nijedan teži slučaj povređivanja na radu, što naj-

bolje ilustruje sposobnost brigadira da uspješno izvršavaju sve zadatke u okviru programa mjera društvene samozaštite.

Na današnjoj sjednici Skupštine prihvaćen je prijedlog da se 15. i 21. juni, dani početka Devetog kongresa SSO BiH i Jedanaestog kongresa SKJ proglašaju udarnim za sve brigade.

Učesnici treće smjene Omladinske radne akcije »Samac—Sarajevo 78« uputiće pozdravne telegrame svim omladinskim radnim akcijama u zemlji.

D. STANOJLOVIĆ

### Predsjednik

Za predsjednika Skupštine treće smjene ORA »Samac — Sarajevo 78« izabrana je Branka Pušek, delegat iz ORB »Boško Buha« u Zavidovičima, a za zamjenika Aleš Fink iz ORB »Oto Zupančič« u Nemiljoj. Izabrano je i predsjedništvo skupštine od 17 članova.

### Pjesma

Konstituiraća sjednica Skupštine treće smjene ORA »Samac — Sarajevo 78« završena je pjesmom: »Druže Tito, mi ti se kunemo...« a svi članovi Skupštine zajednički su se fotografisali za uspomenu na samoupravno pregalaštvo na akciji.

radnih i društveno-političkih aktivnosti u trećoj smjeni, a njihovi izabrani predstavnici su ih danas i zvanično usvojili.

Prema usvojenom programu radnih aktivnosti, učesnici treće smjene radiće uglavnom na izgradnji nasipa, istovaru šljunka, tucanika, pragova, šina i drugog pružnog materijala. Količina ovih poslova mjeri se stotinama hiljada tona. Prema riječima Nihada Šehovića, zamjenika komandanta Akcije, treća smjena će imati čast, ukoliko to dozvole vremenske prilike, da na raznim punktovima postavi oko 30 kilometara novog kolosijeka. Preko svojih delegata brigadiri su Skupštini poručili da su potpuno spremni za ovaj veliki poduhvat, a to su pokazali i udarničkim radom prvih dana treće smjene.


Što se društvenih aktivnosti tiče, one su, već po običaju, veoma obimne i odvijaju se po već utvrđenom programu u više različitih oblika: vaspitno-obrazovni i stručni kursevi, seminari i predavanja, omladinska politička škola, izdavanje biltena i zidnih novina...

Posebnu pažnju danas, a i tokom rasprava u naseljima privukao je Pravilnik o zaštiti na radu i program mjera društvene samozaštite. Svaka brigada, svako naselje, pa evo i cijela smjena, donosi svoj program društvene samozaštite. Još je jednom naglašena potreba za stalnom budnošću na trasi, u naseljima, neophodnost stalnog ukazivanja na značaj mjera društvene samozaštite. Informisanje blagovremeno i jasno — jedno je od bitnih pretpostavki uspješnog izvršavanja složenih zadataka iz ove oblasti.

### Olimpijada

Sa velikim oduševljenjem prihvaćen je prijedlog Štaba Akcije koji je iznio i obrazložio Filip Vuković, da se zvaničnim

organima izrazi spremnost svih učesnika SORA »Samac — Sarajevo 78« da dobrovoljnim radom u okviru omladinskih radnih akcija pomognu izgradnji objekata za Zimске olimpijske igre 1984. godine u Sarajevu.



### Slobodan dan

Slobodan dan za slobodne aktivnosti. U svim naseljima brigadiri i slobodno vrijeme provode korisno. Ovog vikenda u Zepču je šah bio »šlager sezone«. Bone Blažov i Faruk Maslak iz ORB »Koča Racin« borili su se žestoko za pobjedu. Gledaoci nisu izostali.

(Snimio: Nino PIKULIĆ)

BRIGADIRKA-DELEGAT ZA DEVETI KONGRES SSO BiH

# Alijana ovih dana



Alijana Merdan: U školstvu je bilo propusta

Govoriću o problemima školstva u opštini Busovača ♦ Teško je svakodnevno putovati u školu

ZAVIDOVIĆI, JUNA — Alijana Merdan, brigadirka iz ORB »Slobodan Princip Seljo«, djevojka iz Busovače, jedan je od mladih komunista koji će sjesti u delegatsku klupu Devetog kongresa Saveza socijalističke omladine Bosne i Hercegovine. Dotle — nije ostalo još mnogo vremena. A, materijala ima mnogo. Treba i izlaganje napisati.

Ova osamnaestogodišnja djevojka koja je sa odličnim uspjehom završila gimnaziju, akcijaš prvi put, odlučila je, da na Devetom kongresu SSO BiH govori o razvoju školstva u svojoj opštini.

Pitali smo Alijanu Merdan šta će posebno naglasiti u svom izlaganju. — Rekla bih, prije svega, da sam radosna što mi je pripala ta čast — kaže nam Alijana Merdan. — Ima više razloga što ću na predstojećem kongresu govoriti o tome koliko je razvijeno školstvo u mojoj opštini. Sasvim dobro poznajem probleme školstva.

Gimnaziju je završila ove godine u Vitezu. Dosta vremena je svaki dan izgubila u čekanju autobusa, u polasku i u povratku, ali to joj nije smetalo odličnom uspjehu.

— Moj problem, vezan je za školu, je to što sam morala da putujem svakodnevno. Takva sudbina pratila je sve moje vršnjake i vršnjakinje, a ništa bolja ne čeka ni sve one koji će ove godine poći u jednu od srednjih škola.

Smatrate li da se u školstvu vaše opštine moglo učiniti više? — Najvjerovatnije da jeste. Gdje su sve bili propusti i zašto se davnašnja situacija zadržala do danas o tome je teško govoriti. Ali, ja ću u svom izlaganju na Kongresu naglasiti posebno to da će jedna srednja škola, ipak, biti izgrađena. Zato je raspisan samodoprinos.

I, tako, eto, brigadirku, omladinka, najesen student medicine, tišti problem školstva u njenoj opštini. Alijana, ovih dana, stigne na trasu, u Radio-stanicu »Omladinska pruga«, spiker, stigne da se priprema za Kongres.

D. STANIŠIĆ

## POLITIČKA ŠKOLA

# Šest tematskih cjelina

ZAVIDOVIĆI, JUNA — Polaznici Političke škole u naselju prisustvovali su prvom predavanju o temi »Borba i razvoj KPJ između dva rata«.

Oko 130 brigadirki i brigadira, prema programu ideološko-političkog osposobljavanja i marksističkog obrazovanja do kraja smjene će da se, osim ostalog, upoznaju sa aktuelnim pitanjima unaprednja metoda i sadržaja rada Saveza socijalističke omladine, zadacima subjektivnih snaga društva u daljoj izgradnji našeg političkog sistema, te nesvrstanosti socijalističke Jugoslavije...

Ukupno će biti obrađeno šest tematskih cjelina, a predavač je Đorđe Radulović, profesor Srednjoškolskog centra u Zavidovićima.

## KONGRESIMA U ČAST

# Jedinstven program

U biltenu će biti zabilježene riječi učesnika Kongresa SSO Bosne i Hercegovine

ZAVIDOVIĆI, JUNA — U okviru svojih svakodnevnih aktivnosti brigadiri i brigadirke zavidovićkog naselja na poseban način obilježice predstojeće kongrese. Dan prije početka Devetog kongresa SSO Bosne i Hercegovine svih sedam brigada učestvovala u zajedničkom programu u kome će, osim ostalog, biti izveden prigodan recital izvorne pjesme i igre iz svih krajeva naše zemlje, te revolucionarna poezija. Slavlje će uveličati logorska vatra koja će biti zapaljena na centralnom dijelu platoa naselja.

U biltenu koji će izdati naselje biće zapisane riječi brigadirki i brigadira koji će za koj dan krenuti u kongresnu dvoranu.

Učesnici kviza »Deset kongresa partije«, odgovaraće na pitanja iz historijata KPJ i SKJ, te na pitanja iz sadržaja dokumenata koji će biti predloženi na predstojećim kongresima. O svemu tome svoje znanje pokazaće i najmlađi, jer je predviđeno da u kvizu učestvuje i jedan broj pionira iz Pionirske radne brigade »Bratstvo-jedinstvo«.

Za realizaciju programa kojim će mladi u Zavidovićima obilježiti kongrese sve je već spremno.

## DOGOVOR O ČETVRTOJ SMJENI

# Obaveze brigada

ZAVIDOVIĆI, 11. JUNA — U četvrtoj smjeni na izgradnji pruge rađice devet omladinskih radnih brigada koje će 3. jula u zavidovićko na selje stići iz Šipova, Si da, Murske Sobote, Skoplja, Kiseljaka, Kruševca, Smederevske Palanke, Teslića i Zagreba.

Njihove organizatore na jučerašnjem zajedničkom sastanku članovi Štaba su detaljnije upozнали sa obavezama i zadacima sa kojima će se odmah po dolasku u naselje susresti njihovi brigadiri. Rečeno je na ovom sastanku da sve brigade što spremnije treba da dođu na akciju, jer je to jedan od uslova od kojeg će zavistiti njihov uspjeh.

## Dobrovoljci uređuju rijeku

NEMILA, 11. JUNA — Uz samo naselje protiče rječica planinska, brza i bistra. Njeni skokovi s kamena na kamen odjekuju kroz naselje, a bistrom vodom brigadiri se često osvježavaju. Pedesetak dobrovoljaca predvođenih Lu kom Vidovićem, radnikom službe Akcije jutros je krenulo da uredi korito te rječice u njenom donjem toku. Radili su cijelo prije podne, vadili kamenje, i podigli manju branu.

## Otputovala ORB »Kozara«

PRIJEDOR, 11. JUNA — Sinoć je iz Prijedora na ORA »Ibar-Lepenica 78« svečano ispraćena omladinska radna brigada »Kozara«. Ova brigada sastavljena je od 49 brigadira i brigadirki sa područja prijedorske komune.

H. S.

ПРЕДСТАВЉАМО ВАМ БРИГАДЕ: ОРБ »ТОДОР ЦИПОВСКИ МЕРЏАН« ИЗ ТЕТОВА

# Деценијама дуга традиција

Прва акција ове бригаде била је први колосијек пруге Шамац — Сарајево

ZAVIDOVIĆI — Omladinska radna brigada »Todor Cipovski — Merđan« iz Tetova osnovana je 1947. godine. Do sada je učestvovala na 29 radnih akcija: prvo, na izgradnji prvog kolosijeka pruge Шамац — Сарајево. Има укупно 104 бригадира и бригадирке, од чега је њих дванаест у чланству Савеза комуниста Југославије.

У ОРБ »Тодор Циповски Мерџан« су: Божидар Јовановски, Мане Илијевски, Васе Трпевски, Јусуфи Бедаг, Неџири Абдулбаки, Салих Шаип, Абдураман Сали, Златко Петковски, Томе Спиоровски, Бранислав Борђевски, Јетиш Бафери, Мирче Зафировски, Мирко Стевчевски, Бранислав Секуловски, Злате Стојковски, Васил Зафировски, Мите Серафимовски, Василко Трпевски, Зоран Петровски, Алибраим Абдула, Ејуп Бафтијари, Хусеини Али, Јонузи Насер, Бејтула Зулкани, Адеми Агим, Берзат Бајрами, Глигур Стефановски, Крсте Павливики, Исмет Љума, Агим Беђети, Стиче Симоновики, Трпко Блажевски, Драгољуб Блажевски, Анђеле Мерђановски, Бранислав Милошевики, Јонузи Абдурахман, Васе Стевчевски, Милисав Апостоловики, Љупчо Андреетики, Живе Величковики, Иса Османи, Зоран Димовски, Амети Ређеп, Амети Јусуф, Назми Силејмани, Љупче Атанасовски, Абази Ариф, Серифи Исман, Хасани Цевдет, Екрем Адеми, Муслиу Хасан, Азем Алилај, Шаип Мустафаи, Љупчо Павловски, Зоран Борђевски, Круме Јовановски, Љубиша Серафимовски, Акиф Сали, Злате Димитријевики, Бериша Гајур, Мемети Имер, Идризи Афиз, Иво Видоевики, Нехад Османи, Исен Јакупи, Фатмир Мухедин, Јонузи Шериф, Зајадин Имери, Евто Лешниковски, Илијас Јоргос, Елмаз Саиди, Љубомир Теофиловски, Нинослав Костовски, Миле Стојановски, Аце Јосифовски, Душко Јанковић, Маја Ивановска, Фтојанка Евтимовска, Верица Тавсевска, Вукица Таневска, Цона Симовска, Леман Алиу, Перса Аврамовска, Светлана Јовановска, Загорка Сајковска, Нада Јовановска.



ОРБ »Тодор Циповски — Мерџан«

ZAPIS

## Olovka pomalo zaboravljena

Ruke učeničke iz dana u dan su čvršće, danas je bolje nego juče

Upeklo junsko sunce. Prži sve okolo, crvene se leđa brigadirska, ali kramp ne miruje. Brigadisti daju sve od sebe da od radnog dana izvuku maksimum. Mišice još nisu toliko navikle na napore, ali treba se priviknuti. Niko ne poriče da neće biti bolje i lakše.

Na trasi su svi. Raspoređeni duž četrnaest i po kilometara, kolika je dionica brigadira iz naselja Nemila. Tamo iza tunela Vranduk, prema Sarajevu, uporedo rade omladinci iz Novog Pazara i Kalinovika. Kad dođoh u posjetu vrijednim dačkim i radničkim rukama, upravo je bila pauza. Zaslužena užina. Posjedali mladići i dje-

vojke iz Novog Pazara, a njihov komandant, ujedno njihov profesor, šeta oko njih, gleda ih, svakog pojedinačno.

— Danas je još bolje nego juče — priča nam profesor. — Mladi su svi u brigadi, sve učenici, nije im lako, ali trude se, svi smo zadovoljni. Iz dana u dan sve je bolje.

Dvojica golobradih mladića sjede pored kanala u kojem kopaju. Sladak je obrok. Prija. — Kako ide? — pitam onako, poluzvanično.

— Dosta dobro, žuljeva je bilo, ali su otvrdnuli. S njima nema više problema — kaže Muharem Demčević.

— Moralo ih je biti kad smo najteže poslove radili u školi, a to je pisanje i učenje. Olovka mi je do sada bila najteži predmet s kojim sam se borio. Ovdje sam je zaboravio — dopunjava ga Muzafer Urahović.

Tako je duž ostalog dijela trase. Radi se s pjesmom, poletno, mladalački. Djevojke se ne predaju, ne zaostaju u poslovima za svojim kolegama. U jednoj grupi brigade »Oton Župančić« rade Anita, Jeraj, Silvo i Veseljko.

— Anita, je li kramp težak za tvoje nježne ruke?

— Bilo je v začetku, tada zdaj ni već — kratka je bila Anita, ne podižući glavu.

L. JELAVIC

ФОТО-КУРС

## Бригадири снимају

И у трећој смјени, у насељу ОРБ у Немилој, влада велико интересовање за фото-курс. Педесетак младића и дјевојака већ неколико дана похађају наставу, а предавања им држи фоторепортер Миодраг Шкипина.

— Радује ме што је одзив бригадиста на фото-курсу велики. Настојим да на предавањима уведем слушаоце у основне тајне фотографије, а након завршетка теоретског дијела курса, кренућемо на снимање. Бригадисти желе да имају фотографије са градње другог колосијека, а оне ће бити још вредније кад су их сами снимали — каже Миодраг Шкипина.

Н. Т.

UKRATKO IZ ŽEPČA

## Gost na Kongresu

Predsjednik brigadne Konferencije ORB »Božidar Dimitrijević Kozica« iz Požarevca, Ferid Osmičević, izabran je da kao gost prisustvuje Devetom kongresu SSOBiH, koji će se održati od 15. do 17. juna u Sarajevu.

## Samozaštita

Predstavnici ORB »Božidar Dimitrijević Kozica« iz Požarevca posjetili su Sekretarijat za unutrašnje poslove u opštini Žepče i s radnici-

ma SUP-a vodili razgovor o društvenoj samozaštiti i životu u Omladinskom naselju Žepče.

## Brigadiri - predavači

Omladinci ORB »Crni vrh 45« iz Bora u okviru marksističkog obrazovanja obradili su temu »Titov doprinos razvoju dobrovoljnog omladinskog rada«.

Temu su pripremili brigadiri Slavica Stanojević, Vesna Glišić, Vesna Čirić i Milenko Pančić. Predavanju je prisustvovalo više od 90 brigadira.

O SVEMU POMALO IZ NEMILE

## Konstituisan Aktiv SK

NEMILA, JUNA — Konstituisan je Aktiv Saveza komunista naselja koji broji 133 člana. Nakon razmatranja Statutarne odluke i Akciono-političkog programa — koji su usvojeni — izvršen je izbor sekretara Aktiva treće smjene. Za sekretara je izabran Radoš Šćepović, član ORB »10. juli« iz Prnjavora, a za njegovog zamjenika Safet Bojadžić, brigadir ORB »Ramiz Koca« iz Novog Pazara.

## Izložba

Muzej grada Zenice u saradnji sa Domom kulture »Nedeljko Radić« priredio je izložbu za brigadire u naselju pod nazivom »Deset kongresa Saveza komunista Jugoslavije«. Pred oko pet stotina brigadira izložbu je otvorio Safet Tanković, direktor Doma kulture u Zenici.

Brigadiri su sa interesovanjem razgledali izložene fotografije i fotokopije ostalih dokumenata koji svjedoče o razvoju Saveza komunista od Prvog kongresa do danas.

## Zabavne večeri

Nakon zajedničke zabavne večeri u kojoj su učestvovali predstavnici svih brigada u naselju, drugo zabavno veče priredili su brigadiri ORB »Oton Župančić« i ORB »Ramiz Koca«. Poslije predstavljanja brigade omladinci iz Slovenije izrecitovali su nekoliko pjesama Otona Župančića i predstavili se publici u nešto veselijem izdanju u skečevima i muziciranju. Njihove kolege iz ORB »Ramiz Koca« izveli su recital, skeč, a veče su začini li narodnim pjesmama iz svog kraja. I ove i pret hodne večeri publika je bila zadovoljna raznovrsnim programom i solidnom izvedbom.



## Uzbudljivo

Spórtski život u naseljima je bogat. Traju prvenstva u raznim granama sporta. Stižu ekipe da igraju prijateljske utakmice sa brigadirima. U slobodnim časovima vri na poligonima. Djevojke ne zaostaju za mladićima.

U Doboju zdravstveni radnici posjetili su naselje i zametnuli sportsko takmičenje. Rukometne utakmice su privukle pažnju gledalaca, bilo je uzbudljivih momenata, kako to i naša slika pokazuje.

(Snimio: N. Pikulić)

СПОРТСКИ ЖИВОТ

## Изједначене борбе

HEMIJA — Иако у тјеснацу са временом спортисти настоје да одиграју све предвиђене утакмице. Завршено је прво коло првенства у фудбалу и одиграна једна утакмица из другог кола, а почела су и кошаркашка такмичења. Ево досадашњих резултата:

Фудбал: ОРБ »Игмански марш« — ОРБ »Загреб« 1:1, ОРБ »10. јули« — ОРБ »Отон Жупанчић« 1:1, ОРБ »Рамиз Коца« — ОРБ »Загреб« 4:2.  
Кошарка: ОРБ »10. јули« — ОРБ »Отон Жупанчић« 38:30.

Одбојка: ОРБ »10. јули« — ОРБ »Загреб« 2:0, ОРБ »Рамиз Коца« — ОРБ »Игмански марш« 1:2.

## Da bolje rade komisije

ŽEPČE — BRIGADISTI IZ OMLADINSKE RADNE BRIGADE »PROLETERSKIH BRIGADA« Ruđo — Čajniče održali su sastanak Aktiva Saveza komunista ove brigade. Na sastanku je istaknuto da je učinak brigade na trasi zadovoljavajući, da je angažovanje brigadista u društvenim aktivnostima i pohađanju kurseva dobro, ali da se ubuduće treba maksimalno angažovati za poštivanje kućnog

## Pioniri pobijedili veterane

ZAVIDOVIĆI — Sportski život u zavidovićkom naselju ne jenjava. Sva kodnevno se organizuju razni susreti. U jučerašnjem najinteresantnijem do sada učestvovali su najmlađi i veterani iz omladinskih radnih brigada. Snalažljivost pionira u malom nogometu potvrdio je rezultat — 7:4.

Takođe u malom nogometu svoje snage odmjerila je ekipa sastavljena od članova Staba naselja i ekipa komandanata brigade. Igralo se pravo sportski i korektno, ali više sreće su imali igrači ekipe sastavljene od članova Staba. Utakmica je završena rezultatom 6:4.

D. Šš.

reda u naselju. Takođe je naglašena potreba za boljim radom komisija u okviru brigade i za većim zalaganjem pojedinaca na trasi.

## Tema

U okviru idejno-političkog obrazovanja brigadisti Omladinske radne brigade »Crni vrh 45« prisustvovali su predavanju s temom »Titov doprinos razvoju dobrovoljnog omladinskog rada«. Temu su pripremili Slavica Stanojević, Vesna Čirić, i Vesna Glišić, a predavanju su prisustvovala 92 brigadira.

KAŽE LJILJA

# Šta komandant misli o meni

Mislim da je to dobro. Akcija u socijalizmu. Da se upoznajemo, zblizavamo. Drugarstvo... da se svako pita, zašto se on ne oblači kao i ja

Ljiljana Bundalo vjeruje u ljubav. A ljubav je: »između dvoje, između drugova i u brigadi.« Tako govori sedamnaestogodišnja učenica Pete beogradske ekonomske škole. Tri puta na akciji, tri njene velike ljubavi, a akcija: »To je pjesma i žuljevi, i kad se neki ljute što ponekad neko zabušava ili neće da prihvati pjesmu, reći će, dok je drugovi zovu na večeru, a ja s njom sjedim na klupi i oboje krajičkom oka gledamo nogometnu utakmicu između brigada i preplanulih brigadirica.

— Ti si brigadirica, Ljiljo?

— Da, ja sam brigadirica, ali ne s brigama, nego s ljubavlju, krampom, mojim drugovima, eno, tamo na trasi. I s pjesmom, a ti ne znaš kako to izgleda, vraćati se mrtav umoran i pjevati. Ne, ne, nije to namješteno, kad ti kažem. To je ono što me dovodi na akciju, evo treći put. »Kozara«, »Modro oko«, sad »Šamac-Sarajevo«, ovoj košmar, žurba, žuljevi...

— Našla si dosta drugova.

— I drugarica. Zapiši za Haljija s Kosova. Njemu sam odavde poslala razglednicu.

Crna joj kosa k'o ugljen, oči krupne, nemirne, sve se s nekim dovikuje. Priča zanimljivo.

— Ova mladost, i ona davnašnja, na ovoj istoj pruzi, jesu li nečim vezani?

— Vezani dakako. Ovom prugom, prvim i našim drugim kolosekom. Njima je bilo teže, mislim da nisu imali ni dovoljno da jedu, a mi sad... eh, šta ti duša hoće.

— Ima. Ja bar mislim. Recimo, naši stari, kod su pravili ovu prugu, to je herojsko delo. A i danas — na neki način — i mi smo heroji. Samo, nije to nešto posebno. Heroj je čovjek kad voli svoju zemlju.

Ljilja, crnokosa ljepojka, sjedi na klupi, krši prste i nešto kao zamišlje-

no gleda u žuljeve. Jedan momak kaže da će od večeras početi da joj se udvara. Veli, nije je do sada primijetio. Ona se smije: Kaže: »Pokušaj! I, čudi se, otkud baš nju nadosmo. Pitao sam komandanta o kome da pišem, a on kaže iz prve »O Ljiljo«.

Ona, opet napominje:

— Nemoj ti o meni pisati. De ti napiši nešto o maloj Ljilji Kapetanović, to ti je heroj. Četrnaest godina dete ima, sva je nekako krhka, a radi rame uz rame sa onim jačim i starijim. Da samo to vidiš. I ne žali se. Prva počinje pesmu kad se vraćamo s trase.

— I ti voliš pjesmu, rekli su mi.

— Pjesma je lek za dušu. Kao i ljubav.

— Hoćemo li se sresti opet na nekoj akciji?


— Ove godine, u trećoj smeni, na Rijeci. Ako dođeš...

— Socijalizam i akcija. Šta misliš o tome?

— Mislim da je to dobro. Akcija u socijalizmu. Da se zblizavamo, upozna jemo. Drugarstvo. A socijalizam, to je za mene delegatski sistem, ali da se svako pita, odlučuje; da se iskreno govori, baš svakom, da ja, recimo, kažem komandantu da se i on oblači kao i mi, i on meni da kaže šta misli o meni, o nama...

Muzika para tišinu okolnih parkova, Doboju je počeo da se sprema na počinak. Zavaljela je ovaj grad, nije rekla, ali sam primijetio da je u svoj spomenar zapisala sva svitanja, pisak voza, šljunak, preplanula leđa, namještene krevete, kafe koje je spremila gostima. Ljilja, sedamnaestogodišnja omladinka, vitka, prepuna nor mi i kubika, otvorena, nasmijana. Akcija i ona, to je jedan, dragi i lijepi život.

Ramo KOLAR



ZABILJEŽENO NA OBALAMA NEMILSKE RIJEKE

## Frizura - u drugom planu

Brigadiste iz ORB »Igmanski marš« Adema Baškalića i Kemala Hasanovića zatekli smo na obali Nemilske rijeke. Kemal je, kao pravi frizer, za kratko vrijeme uredio kosu svom kolegi. Pa ako se i desilo da sve i nije u najboljem redu, niko neće zamjeriti. Ovdje, u naselju u Nemiljoj, ne gleda se frizura. Rad se cijeni.

## Akcije na sve strane

BOSANSKA GRADIŠKA, 11. JUNA — U okviru priprema za predstojeći kongres SSO BiH u bosansko-gradiškoj opštini je u proteklih pet dana formirano sedam novih osnovnih organizacija Saveza socijalističke omladine. Svakodnevno se organizuju i radne akcije za gradnju puteva, domova kulture i uređenje grada. Upravo je u toku trodnevna akcija učenika sedmih razreda osnovnih škola. Oni okupljaju više desetina hiljada hektara sadnica na obroncima Kozare i Prosare. Ova akcija će se završiti sutra, a Šumsko gazdinstvo »Posavina« učenicima će dati novčanu nagradu za organizovanje ekskurzije.

G. Š.

## Posjeta

DOBOJ — Omladinska radna brigada »Janko Čmelik« iz Stare Pazove, koja od juče učestvuje na radnoj akciji u Loznici, posjetila je Omladinsku radnu brigadu »Heroj Pinki« iz Indije i Stare Pazove, jednu od učesnica treće smjene omladinske radne akcije »Šamac — Sarajevo 78«, smještenu u dobojskom naselju.

## Balet

Jedan broj brigadirica smještenih u dobojskom naselju bio je u posjeti Radničkom univerzitetu u Doboju. U velikoj sali gostovao je ansambl Narodnog pozorišta iz Sarajeva sa baletom »Bolero«, koji su brigadiri toplo primili.

L. JELAVIĆ

VEĆE PIONIRA I VETERANA

# Aplauza napretek

Najmlađi i najstariji u Nemiljoj priredili do sada najuspješnije brigadirsko veče

NEMILA, 11. JUNA — Sinoćnje brigadirsko veče bilo je jedno od najuspješnijih do sada. Tome su doprinijeli učesnici veterani i pioniri, koji su bili nosioci cijelog programa. Svi brigadiri s velikim su zanimanjem pratili pripovijedanje veterana o brigadirskom životu nekad i sada. U svakoj toj priči bilo je nešto zajedničko, a to je mladost koja je uvijek ista.

Netremice su brigadiri slušali veterane Aleksu Lalovića, Nenada Močevića, Božu Brkljačića, Nikolu Šutiju i Radoša Šćepovića.

Sa istim zanimanjem praćeni su i nastupi najmlađih brigadirica u naselju. Jelena Sikima, Mitar Stanojević, Mirsada Sinanović, Neven Korjanec, Daniel Rakić izveli

su recital »Krvava bajka«. U ime pionira o svojim utiscima, o zapažanju iz prvih dana na akciji govorio je Neven Gorjanec, brigadir iz ORB »Zagreb« i, kako reče, to će prenijeti svojim drugovima kad se vrati kući. Sve je dobro po njegovoj priči, ali malo mu je nezgodno ustajanje u četiri sata.

Između svake priče uskakali su brigadiri da ponekom pjesmom ili recitacijom pozdrave veterane i pionire. Aplauza je bilo napretek, a isto toliko i brigadirskih pozdrava, a nakon toga Kozaračko kolo, zajedničko, mlada-lučko, oko logorske vatre. Plameni jezici i ozarena lica davali su još ljepši pečat subotnjoj večeri nad Nemilom.